

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02- 670/07  
Sarajevo, 26.07.2007. godine

**Z A P I S N I K**  
**5. SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 26. jula 2007. godine**

Sjednica je počela u 10.52.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio: delegate, potpredsjednike Federacije Bosne i Hercegovine Spomenku Mičić i Mirsada Kebu, premijera Nedžada Brankovića i ministre u Vladi Federacije Bosne i Hercegovine, predstavnike Saveza invalida Bosne i Hercegovine, boračkih organizacija, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak su opravdali Igor Rajner, Nada Ćulap i Mirko Pejanović.

Na osnovu evidencije Stručne službe, predsjedavajući je konstatovao da sjednici prisustvuje 46 delegata, što čini većinu, te Dom naroda može raditi i punovažno odlučivati.

Sa 45 glasova za i uz jedan uzdržani glas, usvojen je Zapisnik 2. vanredne sjednice Doma naroda Parlamenta Federacije Bosne i Hercegovine, održane 26. juna 2007. godine.

Na Zapisnik 4. sjednice Doma naroda Parlamenta Federacije Bosne i Hercegovine, održane 14. juna i 12. jula 2007. godine, primjedbe su dali Zoran Budimić i Elvira Abdić-Jelenović.

**Zoran Budimić** je dao primjedbu na dio Zapisnika koji se odnosi na delegatska pitanja i inicijative, a tiče se izmjena i dopuna Zakona o novčanim podrškama i posticajima u primarnoj poljoprivrednoj proizvodnji i izjavio da je izostavljeno "uvršavanje regresiranog goriva u ovaj Zakon".

**Elvira Abdić-Jelenović** je dala primjedbu na 16. tačku dnevnog reda 4. sjednice - Izvještaj o radu Nadzornog odbora Agencije za privatizaciju u Federaciji Bosne i Hercegovine za period od 01.07.2005. do 30.06.2006. godine - u smislu da prilikom usvajanja Zaključka u vezi sa ovom tačkom nije navedeno da su se u taj Zaključak uvrstile i primjedbe koje je ona iznijela u raspravi o ovoj tački dnevnog reda.

Nakon toga predsjedavajući je predložio da se usvajanje Zapisnika 4. sjednice odloži za narednu sjednicu, što su delegati i prihvatili.

Predsjedavajući je podsjetio delegate da na osnovu člana 104. Poslovnika o radu Doma naroda mogu postavljati delegatska pitanja, pokretati inicijative ili izraziti nezadovoljstvo dobijenim odgovorima.

### **Delegatska pitanja i inicijative**

**Muhamed Osmić** je izrazio nezadovoljstvo dobijenim odgovorom na Inicijativu u vezi sa formiranjem Jedinog fonda zdravstvene zaštite na nivou Federacije i zatražio izjašnjenje Doma naroda.

**Besim Imamović** je izrazio nezadovoljstvo dobijenim odgovorom na pitanje u vezi sa državnim razvojem.

Postavio je pitanje Vladi Federacije Bosne i Hercegovine - šta je Agencija za održivi razvoj uradila na razvoju pojedinih područja u Federaciji Bosne i Hercegovine u proteklom periodu i zatražio da Vlada Federacije Bosne i Hercegovine obavijesti delegate Doma naroda o njenom radu.

**Ramo Isak** je postavio dva pitanja Vladi Federacije Bosne i Hercegovine.

Prvo pitanje je vezano za rješavanje pitanja radnika Željezare "Mittal Steel" Zenica.

Drugo pitanje je vezano za situaciju kada kupac ne ispoštuje ugovorne obaveze koje je preuzeo prilikom privatizacije.

**Elvira Abdić-Jelenović** je postavila više pitanja premijeru, ministru finansija, ministru pravde Federacije Bosne i Hercegovine i direktoru Porezne uprave Federacije Bosne i Hercegovine u vezi sa odlukama Nadzornog odbora „Agrokomerca“ d.d. Velika Kladuša kojima je otpisana imovina „Agrokomerca“ u vrijednosti od nekoliko desetina miliona KM.

**Mira Ljubijankić** je u ime Kluba delegata srpskog naroda postavila pitanje Federalnom ministarstvu unutrašnjih poslova u vezi sa istragom koja se tiče napada na vladiku Hrizostoma u Bosanskom Petrovcu.

**Muhamed Osmić** je pokrenuo inicijativu za donošenje Zakona o upotrebi PVC vrećica i plastične ambalaže.

Premijer Nedžad Branković je istakao da je ova Inicijativa dobra i obavijestio delegate da je u pripremi Uredba o upravljanu ambalažom.

Također je istakao da je Inicijativa za formiranje Jedinog fonda zdravstvene zaštite na nivou Federacije dobronamjerna i da je u toku proces ujednačavanja projekata zdravstvene zaštite na cijelom području Federacije.

**Tomo Vidović** je postavio pitanje Federalnom ministarstvu pravde u vezi sa propisima koji se tiču premještaja zatvorenika osuđenih za teška krivična djela.

**Jasenko Tufekčić** je u ime Kluba delegata bošnjačkog naroda uputio pitanje Vladi Federacije Bosne i Hercegovine u vezi sa neprisustvovanjem predstavnika Vlade Federacije Bosne i Hercegovine

sjednicama radnih tijela i klubova naroda Doma naroda Parlamenta Federacije Bosne i Hercegovine.

Pokrenuo je inicijativu prema Kolegiju Doma naroda kojom zakoni "neće proći na Domu naroda" ukoliko sjednicama ne prisustvuju ovlašteni predlagači.

Premijer Nedžad Branković je podržao ovu inicijativu.

**Besim Imamović** je postavio pitanje Vladi Federacije u vezi sa naplaćivanjem ratnog duga Općini Kladanj za uniforme pripadnika Armije Bosne i Hercegovine.

Premijer Nedžad Branković je odgovorio da je potrebno doći do vjerodostojne dokumentacije vezano za ovo pitanje, na osnovu koje bi se poduzele daljnje aktivnosti.

**Svetozar Pudarić** je zahvalio federalnom ministru finansija Vjekoslavu Bevandi na odgovoru na njegovo delegatsko pitanje.

Postavio je dva pitanja.

Prvo pitanje je vezano za primanja ministara po osnovu položajnog dodatka u skladu sa Odlukom Vlade Federacije o uvođenju položajnog dodatka za ministre u Vladi Federacije i kolika je ušteda ostvarena po tom osnovu.

Drugo pitanje je upućeno Visokom sudskom i tužilačkom vijeću Bosne i Hercegovine, koje se odnosi na postojanje sukoba interesa u slučajevima u kome sudije bivaju imenovani i plaćeni od izvršne vlasti.

**Mislav Sučić** je postavio dva pitanja Federalnom ministarstvu poljoprivrede, vodoprivrede i šumarstva.

Prvo pitanje se odnosi na proceduru zaštite imena i geografskog porijekla "Livanjski sir".

Drugo pitanje se odnosi na opremljenost, nadležnost i broj proizvoda koje je do sad zaštitio Institut za standarde, mjeriteljstvo i intelektualno vlasništvo Bosne i Hercegovine.

**Ivo Komšić** je podržao inicijativu Muhameda Osmića za formiranje Jedinstvenog fonda zdravstvene zaštite na nivou Federacije i predložio da se dobije informacija o dinamici kojom će se ostvarivati proces uspostavljanja Fonda.

**Josip Perić** je postavio dva pitanja premijeru.

Prvo pitanje je vezano za akciju suzbijanja "rada na crno". Također je upitao kada će se provesti akcija vezano za neuplaćivanje doprinosa u okviru javnih institucija.

Drugo pitanje je vezano za popravljavanje statusa djece koja su stradala u proteklom ratu u Bosanskoj Krajini.

Premijer Nedžad Branković je odgovorio da je poduzeta akcija protiv "rada na crno" imala za cilj da se identificiraju oni koji ne poštuju zakon.

Josip Perić je odgovorio premijeru da bi se ova akcija trebala provoditi i u javnim institucijama i da ta akcija treba biti trajna obaveza nadležnih organa.

**Asim Mekić** je podržao inicijativu Muhameda Osmića u vezi sa formiranjem Jedinog fonda zdravstvene zaštite na nivou Federacije Bosne i Hercegovine.

Također je zatražio da Dom naroda pokrene inicijativu prema Vijeću ministara Bosne i Hercegovine koja se odnosi na izmjene i dopune Zakona o izdavanju ličnih dokumenata.

Nakon postavljenih delegatskih pitanja i pokrenutih inicijativa prešlo se na utvrđivanje dnevnog reda.

Potpredsjedavajući Doma naroda Parlamenta Federacije Bosne i Hercegovine Besim Imamović, koji je u tom momentu predsjedavao sjednicom, obavijestio je delegate da je Vlada Federacije Bosne i Hercegovine dostavila Prijedlog Zakona o izmjenama i dopunama Zakona o namještenicima u organima državne službe u Federaciji Bosne i Hercegovine i Prijedlog Zakona o izmjenama i dopunama Zakona o pravima branilaca i članova njihovih porodica sa prijedlogom da se razmatraju po hitnom postupku.

Predsjednik Kluba delegata bošnjačkog naroda Jasenko Tufekčić je predložio da se u dnevni red ove sjednice uvrsti Prijedlog Zakona o Javnom servisu Radio-televizije Federacije Bosne i Hercegovine, jer je premijer Nedžad Branković uputio dopis kojim je tražio uvrštavanje ovog prijedloga u dnevni red. Također, obavijestio je da je Klub delegata bošnjačkog naroda zauzeo stav da se Prijedlog Zakona o izmjenama i dopunama Zakona o namještenicima u organima državne službe u Federaciji Bosne i Hercegovine vrati u formu nacrtu, te je Klub zatražio da se u što kraćem roku dostave u parlamentarnu proceduru.

Elvira Abdić-Jelenović je predložila da se Prijedlog Zakona o izmjenama i dopunama Zakona o pravima branilaca i članova njihovih porodica skine sa dnevnog reda, odnosno da Vlada Federacije povuče iz procedure ovaj prijedlog jer smatra da on nije implementacija presude Ustavnog suda Federacije Bosne i Hercegovine od 20.07.2005. godine.

Predsjednik kluba delegata hrvatskog naroda Josip Perić je izjavio da je stav Kluba da se Prijedlog Zakona o Javnom servisu Radio-televizije Federacije Bosne i Hercegovine ne stavlja na dnevni red ove sjednice, a u slučaju uvrštavanja u dnevni red ova tačka bi se trebala razmatrati prema proceduri predviđenoj za razmatranje zakona od vitalnog nacionalnog interesa.

Na osnovu rezultata glasanja, predsjedavajući Stjepan Krešić, koji je u međuvremenu preuzeo rukovođenje sjednicom, konstatovao je da je Dom naroda Parlamenta Federacije Bosne i Hercegovine, sa 30 glasova za, uz 13 glasova protiv i uz četiri uzdržana glasa, prihvatio da se Prijedlog Zakona o Javnom servisu Radio-televizije Federacije Bosne i Hercegovine uvrsti u dnevni red.

Saša Magazinović, predsjednik Komisije za informiranje u Domu naroda, zatražio je pauzu kako bi Komisija za informiranje razmotrila ovaj Prijedlog Zakona i dostavila izvještaj Domu naroda.

\* \* \*

Nakon pauze, Saša Magazinović je obavijestio delegate da je Komisija za informiranje donijela dva zaključka. Prvim zaključkom se podržava uvrštavanje Prijedloga Zakona o Javnom servisu Radio-televizije Federacije Bosne i Hercegovine u dnevni red, uz izdvojeno mišljenje dva člana Komisije koji smatraju da bi se ovaj Zakon trebao razmatrati u redovnoj proceduri. Drugi zaključak se tiče prakse dopunjavanja dnevnog reda na samoj sjednici koja ne omogućuje radnim tijelima kvalitetan i korektan način obavljanja svojih poslova.

Federalni ministar za pitanja boraca i invalida odbrambeno-oslobodilačkog rata Zahid Crnić je izjavio da ne povlači Prijedlog Zakona o izmjenama i dopunama Zakona o pravima branilaca i članova njihovih porodica.

Federalni ministar pravde Feliks Vidović je predložio da se Prijedlog Zakona o izmjenama i dopunama Zakona o krivičnom postupku Federacije Bosne i Hercegovine privremeno skine sa dnevnog reda jer je Ured visokog predstavnika izvršio neke intervencije u ovom Zakonu, što su delegati prihvatili.

Elvira Abdić-Jelenović je pozvala premijera Federacije da podnese zahtjev za ocjenu ustavnosti Prijedloga Zakona o izmjenama i dopunama Zakona o pravima branilaca i članova njihovih porodica u odnosu na presudu Ustavnog suda Federacije Bosne i Hercegovine, koja je objavljena 20.07.2005. godine.

Premijer je izjavio da ostaje pri ovom Prijedlogu Zakona.

Predsjedavajući Doma naroda pozvao je delegate da se izjasne da li će se Prijedlog Zakona o izmjenama i dopunama Zakona o namještenicima u organima državne službe u Federaciji Bosne i Hercegovine i Prijedlog Zakona o izmjenama i dopunama Zakona o pravima branilaca i članova njihovih porodica razmatrati po hitnom postupku.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije prihvatio da se Prijedlog Zakona o izmjenama i dopunama Zakona o namještenicima u organima državne službe u Federaciji Bosne i Hercegovine razmatra po hitnom postupku jer nije dobio potrebnu većinu glasova.

Potom je predsjedavajući dao na glasanje prijedlog Kluba delegata bošnjačkog naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine prihvatio prijedlog Kluba delegata bošnjačkog naroda da se Zakon o izmjenama i dopunama Zakona o namještenicima u organima državne službe u Federaciji Bosne i Hercegovine razmatra u formi nacrtu jer je za glasalo 34 delegata, šest je bilo protiv a tri su bila uzdržana.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 33 glasa za, uz pet glasova protiv i uz šest uzdržanih glasova, prihvatio da se Prijedlog Zakona o izmjenama i dopunama Zakona o pravima branilaca i članova njihovih porodica razmatra po hitnom postupku.

Predsjedavajući je predložio da se sa dnevnog reda skine tačka - Prijedlog Zakona o pomilovanju - budući da nije usvojen u Predstavničkom domu, što su delegati prihvatili.

Predsjedavajući je obavijestio delegate da je Prijedlog Zakona o izmjenama i dopunama Zakona o notarima, čiji je predlagač Dervo Bandić, zastupnik u Predstavničkom domu, dostavljen sa prijedlogom da se razmatra po skraćenom postupku.

Jasenko Tufekčić, predsjednik Kluba delegata bošnjačkog naroda, izjavio je da je stav Kluba da se ovaj Zakon razmatra u formi nacrtu i da Vlada Federacije izradi kompletne izmjene i dopune ovog Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno, sa 46 glasova, prihvatio da se Zakon o izmjenama i dopunama Zakona o notarima razmatra u formi nacrtu.

Predsjedavajući je obavijestio delegate da je Kolegij Doma naroda predložio da se kao prva tačka uvrsti Verifikovanje mandata, što su delegati prihvatili.

Predsjedavajući Stjepan Krešić je obavijestio delegate da Prijedlog Zakona o Javnom servisu Radio-televizije Federacije Bosne i Hercegovine spada u pitanja od vitalnog nacionalnog interesa hrvatskog naroda.

Josip Perić, predsjednik Kluba delegata hrvatskog naroda, izjavio je da Klub delegata hrvatskog naroda na osnovu člana 117. tačka 2. a u vezi sa članom 115. stav 1. alineja 9. Poslovnika o radu Doma naroda Parlamenta Federacije Bosne i Hercegovine svojeručno ovjerenim potpisom više od dvije trećine delegata Kluba delegata hrvatskog naroda u Domu naroda proglašava da Prijedlog Zakona o Javnom servisu Radio-televizije Federacije Bosne i Hercegovine spada u pitanja od vitalnog interesa za hrvatski narod te se traži da se o ovome Prijedlogu Zakona odlučuje po proceduri predviđenoj za donošenje zakona od vitalnog nacionalnog interesa.

Nakon toga se razvila diskusija u kojoj su učestvovali: Pero Jukić Pop, Mislav Sučić, Mira Ljubijankić, Josip Perić, Jasenko Tufekčić, Asim Mekić, Besim Imamović, Drago Puzigaća, Tomo Vidović, Željko Asić, Svetozar Pudarić, Lidija Bradara, Elvira Abić-Jelenović i Dženana Zlatar.

Predsjedavajući je predložio da se u dnevni red uvrsti i 15. tačka - Izbor i imenovanja - što su delegati prihvatili.

Potom je predsjedavajući dao na glasanje dnevni red u cjelini.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 40 glasova za, uz pet glasova protiv i uz jedan uzdržani glas, usvojio sljedeći:

**DNEVNI RED**

1. Verifikacija mandata;
2. Prijedlog Zakona o osnivanju Instituta za medicinsko vještačenje zdravstvenog stanja;
3. Nacrt Zakona o izmjenama i dopunama Zakona o notarima (predlagač: Dervo Bandić, zastupnik u Predstavničkom domu);
4. Nacrt Zakona o izmjenama i dopunama Zakona o namještenicima u organima državne službe u Federaciji Bosne i Hercegovine;
5. Prijedlog Zakona o izmjenama i dopunama Zakona o pravima branilaca i članova njihovih porodica – hitni postupak;
6. Prijedlog Zakona o eksproprijaciji;
7. Prijedlog Zakona o Javnom servisu Radio-televizije Federacije Bosne i Hercegovine;
8. a) Odluka o davanju saglasnosti za prihvatanje dodatnog kredita Međunarodne asocijacije za razvoj za Projekt razvoja i zaštite šuma,  
b) Odluka o davanju saglasnosti za zaključivanje Sporazuma o izmjenama Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt razvoja i zaštite šuma,  
c) Informacija o dodatnom finansiranju Projekta razvoja i zaštite šuma iz kredita Međunarodne asocijacije za razvoj;
9. a) Odluka o davanju saglasnosti za prihvatanje kreditnog sporazuma između Bosne i Hercegovine i Bank Austria Creditanstalt AG Beč za finansiranje Projekta vodosnabdijevanja općine Grude,  
b) Odluka o davanju saglasnosti za zaključivanje Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit Bank Austria Creditanstalt AG Beč za Projekt vodosnabdijevanja općine Grude,  
c) Informacija o kreditu Bank Austria Creditanstalt AG Beč za Projekt vodosnabdijevanja općine Grude;
10. a) Odluka o davanju saglasnosti za prihvatanje kredita Međunarodne asocijacije za razvoj za Projekt poljoprivrede i ruralnog razvoja,  
b) Odluka o davanju saglasnosti za zaključivanje Supsidijarnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt poljoprivrede i ruralnog razvoja,  
c) Informacija o finansiranju Projekta poljoprivrede i ruralnog razvoja iz kredita Međunarodne asocijacije za razvoj sa Zaključcima Vlade Federacije;
11. a) Odluka o davanju saglasnosti za prihvatanje kredita Međunarodne asocijacije za razvoj za Projekt pripremljenosti za ptičju gripu,  
b) Odluka o davanju saglasnosti za zaključivanje Supsidijarnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt pripremljenosti za ptičju gripu,

- c) Informacija o finansiranju Projekta pripremljenosti za ptičju gripu;
- 12. a) Odluka o davanju saglasnosti za prihvatanje dodatnog kredita Međunarodne asocijacije za razvoj za Projekt urbane infrastrukture i pružanja usluga,
- b) Odluka o davanju saglasnosti za zaključivanje Supsidijarnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt urbane infrastrukture i pružanja usluga,
- c) Informacija o dodatnom kreditu Međunarodne asocijacije za razvoj za Projekt urbane infrastrukture i pružanja usluga;
- 13. Izbor i imenovanja.

## 1. Verifikacija mandata

Centralna izborna komisija Bosne i Hercegovine je obavijestila Dom naroda Parlamenta Federacije Bosne i Hercegovine da je dodijelila mandat **Nikoli Simiću**, sljedećem kvalifikovanom kandidatu iz reda srpskog naroda.

Mandatno-imunitetska komisija je razmatrala ovaj prijedlog i dostavila izvještaj Domu naroda.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno, sa 46 glasova, usvojio Izvještaj Mandatno-imunitetske komisije i time verifikovao mandat delegatu u Domu naroda Parlamenta Federacije Bosne i Hercegovine Nikoli Simiću, iz reda srpskog naroda.

Nakon toga je delegat Nikola Simić dao zakletvu.

## 2. Prijedlog Zakona o osnivanju Instituta za medicinsko vještačenje zdravstvenog stanja

Prijedlog Zakona je utvrdila Vlada Federacije.

Predstavnički dom je na 2. sjednici, održanoj 05. juna 2007. godine, usvojio Prijedlog Zakona u ranijem tekstu uz sedam amandmana koje je Vlada Federacije prihvatila pa su postali sastavni dio Prijedloga Zakona.

Prijedlog Zakona su razmatrala nadležna radna tijela i dostavila svoje izvještaje.

U pretresu nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno, sa 49 glasova, usvojio Prijedlog Zakona o osnivanju Instituta za medicinsko vještačenje zdravstvenog stanja.



### **3. Nacrt Zakona o izmjenama i dopunama Zakona o notarima**

Ovaj Zakon u formi prijedloga je utvrdio Dervo Bandić, zastupnik u Predstavničkom domu.

Zakon su u formi prijedloga razmatrala nadležna radna tijela i dostavila svoje izvještaje.

Na Prijedlog Zakona Igor Rajner je podnio dva amandmana koji se odnose na čl. 2., 3. i 4. Amandmani će se smatrati kao primjedbe, prijedlozi i sugestije na Nacrt Zakona.

Nacrt Zakona je obrazložio Dervo Bandić.

U pretresu su učestvovali: Feliks Vidović, federalni ministar pravde, Tomo Vidović, Sead Čaušević, Mirsad Pindžo, Drago Puzigaća, Muhamed Osmić, Josip Perić, Dervo Bandić i Lidija Bradara.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 38 glasova za i uz jedan uzdržani glas, usvojio sljedeći:

#### **ZAKLJUČAK**

Dom naroda Parlamenta Federacije Bosne i Hercegovine zadužuje Vladu Federacije da na osnovu Nacrta Zakona, primjedbi, prijedloga i sugestija iznesenih na sjednici pripremi tekst Prijedloga Zakona o izmjenama i dopunama Zakona o notarima.

### **4. Nacrt Zakona o izmjenama i dopunama Zakona o namještenicima u organima državne službe u Federaciji Bosne i Hercegovine**

Zakon je u formi prijedloga utvrdila Vlada Federacije.

Predstavnički dom je na 3. sjednici, održanoj 03. jula 2007. godine, usvojio ovaj Zakon u formi prijedloga uz jedan amandman koji je Vlada Federacije prihvatila pa je postao sastavni dio Prijedloga Zakona.

Zakon su u formi prijedloga razmatrala nadležna radna tijela i dostavila svoje izvještaje.

Nacrt Zakona je obrazložio Feliks Vidović, federalni ministar pravde.

U pretresu su učestvovali Muhamed Osmić, Svetozar Pudarić i Drago Puzigaća.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno, sa 42 glasa, usvojio sljedeći:

#### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o namještenicima u organima državne službe u Federaciji Bosne i

Hercegovine i smatra da može poslužiti kao osnova za izradu prijedloga Zakona.

2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu sve primjedbe, prijedloge i sugestije iznesene na sjednici.

## **5. Prijedlog Zakona o izmjenama i dopunama Zakona o pravima branilaca i članova njihovih porodica**

Prijedlog Zakona je utvrdila Vlada Federacije.

Predstavnički dom je na 3. sjednici, održanoj 03. jula 2007. godine, usvojio prijedlog ovog Zakona uz tri amandmana koje je Vlada Federacije prihvatila pa su postali sastavni dio Prijedloga Zakona.

Prijedlog Zakona su razmatrala nadležna radna tijela i dostavila svoje izvještaje.

Prijedlog Zakona je obrazložio Zahid Crnkić, federalni ministar za pitanja boraca i invalida odbrambeno-oslobodilačkog rata.

Na Prijedlog Zakona Elvira Abdić-Jelenović i Kenan Keserović su podnijeli amandman koji se odnosi na brisanje člana 1. Prijedloga Zakona.

U pretresu su učestvovali: ispred Kluba delegata hrvatskog naroda Elvira Abdić-Jelenović, predsjednik Kluba delegata bošnjačkog naroda Jasenko Tufekčić, predsjednica Kluba delegata srpskog naroda Mira Ljubijankić, Kenan Keserović, Asim Mekić, Asim Kamber i Fahrudin Skopljak.

S obzirom na to da je Zahid Crnkić, federalni ministar za pitanja boraca i invalida odbrambeno-oslobodilačkog rata, izjavio da ne prihvata amandman Elvire Abdić-Jelenović i Kenana Keserovića, a podnosioci nisu odustali od njega predsjedavajući ga je dao na glasanje.

Na osnovu rezultata poimeničnog glasanja, koje je obavio Izmir Hadživdić, sekretar Doma naroda, predsjedavajući je konstatovao da amandman nije dobio potrebnu većinu glasova jer je za njega glasalo 19 delegata, 19 je bilo protiv i osam uzdržanih.

Potom je predsjedavajući Prijedlog Zakona dao na glasanje.

Na osnovu rezultata poimeničnog glasanja, koje je obavio Izmir Hadživdić, sekretar Doma naroda Parlamenta Federacije Bosne i Hercegovine, predsjedavajući je konstatovao da je Dom naroda Parlamenta Federacije Bosne i Hercegovine, sa 31 glasom za, uz dva glasa protiv i uz 14 uzdržanih glasova, usvojio Prijedlog Zakona o izmjenama i dopunama Zakona o pravima branilaca i članova njihovih porodica.

## **6. Prijedlog Zakona o eksproprijaciji**

Prijedlog Zakona je utvrdila Vlada Federacije.

Predstavnički dom je na nastavku 3. sjednice, održane 04. jula 2007. godine, usvojio Prijedlog Zakona u tekstu kako ga je predložila Vlada Federacije.

Prijedlog Zakona su razmatrala nadležna radna tijela i dostavila svoje izvještaje.

Na Prijedlog Zakona sedam amandmana je podnio Mirsad Pindžo.

Prijedlog Zakona je obrazložio Željko Obradović, direktor Federalne uprave za geodetske i imovinsko-pravne poslove, koji je izjavio da ne prihvata podnesene amandmane.

U pretresu su učestvovali: Denis Zvizdić, Željko Obradović, Besim Spahić i Mirsad Pindžo, koji je izjavio da odustaje od amandmana V i VI, dok od amandmana I, II, III, IV i VII ne odustaje.

Na osnovu rezultata glasanja, potpredsjedavajući Besim Imamović, koji je tada predsjedavao sjednicom, konstatovao je da Amandman I nije dobio potrebnu većinu glasova jer je za glasalo 17 delegata.

Nakon glasanja Mirsad Pindžo je odustao od preostalih amandmana pa je predsjedavajući dao na glasanje Prijedlog Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za i uz jedan uzdržani glas, usvojio Prijedlog Zakona o eksproprijaciji.

## **7. Prijedlog Zakona o Javnom servisu Radio-televizije Federacije Bosne i Hercegovine**

Prijedlog Zakona je utvrdila Vlada Federacije.

Predstavnički dom je na nastavku 4. sjednice, održane 25. jula 2007. godine, usvojio Prijedlog Zakona uz dva amandmana koje je Vlada Federacije prihvatila pa su postali sastavni dio Prijedloga Zakona i devet amandmana koje Vlada Federacije nije prihvatila, ali ih je Predstavnički dom izglasao.

Prijedlog Zakona su razmatrala nadležna radna tijela i dostavila svoje izvještaje.

Na Prijedlog Zakona Željko Asić je podnio amandman koji se odnosi na član 5. stav 3. Prijedloga Zakona.

Prije pretresa predsjednik Kluba delegata hrvatskog naroda Josip Perić zatražio je pauzu u trajanju od pola sata.

\* \* \*

Nakon pauze, Josip Perić je istakao da je stav većine članova Kluba da se zatraži mišljenje Ustavne komisije Doma naroda o ustavnom osnovu ovog Prijedloga Zakona i da nijedan hrvatski delegat neće glasati za njega.

U pretresu su učestvovali: Željko Asić, Saša Magazinović, Besim Imamović, federalni ministar prometa i komunikacija Nail Šećkanović, Lidija Bradara, Ivo Komšić, Asim Mekić i Miro Lazović.

S obzirom na to da je federalni ministar Nail Šećkanović izjavio da ne prihvata amandman Željka Asića, a podnosilac amandmana nije odustao od njega, predsjedavajući ga je dao na glasanje.

Predsjedavajući Stjepan Krešić je obavijestio delegate da se o amandmanu treba glasati po proceduri predviđenoj za glasanje po vitalnom nacionalnom interesu, jer je dvije trećine Kluba delegata hrvatskog naroda proglasilo ovaj Prijedlog Zakona vitalnim za nacionalni interes hrvatskog naroda, tj. prvo Dom naroda u cjelini treba glasati o amandmanu a potom se klubovi naroda trebaju izjasniti o njemu.

Prvo je Dom naroda u cjelini glasao o amandmanu.

Na osnovu rezultata poimeničnog glasanja, koje je obavio Izmir Hadživdić, sekretar Doma naroda, predsjedavajući je konstatovao da Dom naroda **nije usvojio** amandman Željka Asića jer je za glasalo 27 delegata a 24 delegata su bila uzdržana.

Predsjedavajući je predložio da se ne obavlja glasanje po klubovima naroda, s obzirom na to da Dom naroda u cjelini nije usvojio amandman, što su delegati prihvatili.

S obzirom na to da je Ivo Komšić predložio da se odloži izjašnjavanje o Prijedlogu Zakona, predsjedavajući je na osnovu poimeničnog glasanja koje je obavio Izmir Hadživdić, sekretar Doma naroda, konstatovao da delegati nisu prihvatili ovaj prijedlog jer su za glasala 24 delegata, 16 delegata je bilo protiv a 10 delegata je bilo uzdržano.

Potom se prešlo na glasanje o amandmanima koje Vlada Federacije nije prihvatila, ali ih je Predstavnički dom izglasao.

Sekretar Doma naroda je objasnio da se o amandmanima treba glasati po proceduri predviđenoj za glasanje o zakonima od vitalnog nacionalnog interesa, tj. prvo se glasa po klubovima naroda a onda Dom naroda treba glasati u cjelini. Napomenuo je da je pri glasanju po klubovima naroda potrebna većina od najmanje devet glasova u svakom od klubova.

Potom se prešlo na glasanje po klubovima naroda.

Amandman I je dobio potrebnu većinu glasova Kluba delegata bošnjačkog naroda jer je za njega glasalo 15 delegata.

Amandman I nije dobio potrebnu većinu glasova Kluba delegata hrvatskog naroda jer za njega nije niko glasao, devet delegata je bilo protiv, a dva delegata su bila uzdržana.

Amandman I nije dobio potrebnu većinu glasova Kluba delegata srpskog naroda jer je za njega glasalo šest delegata, niko nije bio protiv, a devet delegata je bilo uzdržano.

Nakon toga je Dom naroda u cjelini glasao o Amandmanu I Predstavničkog doma.

Na osnovu rezultata glasanja, predsjedavajući je konstatovao da Amandman I Predstavničkog doma nije dobio potrebnu većinu glasova jer je za glasalo 23 delegata, 11 delegata je bilo protiv, a deset delegata je bilo uzdržano.

### **Amandman I**

U članu 40. Prijedloga Zakona tekst tačke (4) se briše i umjesto tog teksta tačka (4) glasi:

“(4) U okviru informativno-političkog programa urednici i novinari RTVFBiH moraju izražavati svoju nezavisnost i nepristrasnost bez ličnih **najavnih i odjavnih komentara** prilikom saopćavanja vijesti.

Prije objavljivanja, sa razumnom pažnjom mora se provjeriti vjerodostojnost sadržaja vijesti, porijeklo i istinitost informativnog materijala predviđenog za emitiranje vijesti.”

Amandman II je dobio potrebnu većinu glasova Kluba delegata bošnjačkog naroda jer je za njega glasalo 15 delegata a jedan delegat je bio uzdržan.

Amandman II nije dobio potrebnu većinu glasova Kluba delegata hrvatskog naroda jer za njega nije niko glasao, 13 delegata je bilo protiv.

Amandman II nije dobio potrebnu većinu glasova Kluba delegata srpskog naroda jer su za njega glasala četiri delegata, jedan delegat je bio protiv a osam delegata je bilo uzdržano.

Nakon toga je Dom naroda u cjelini glasao o Amandmanu II Predstavničkog doma.

Na osnovu rezultata glasanja, predsjedavajući je konstatovao da Amandman II Predstavničkog doma nije dobio potrebnu većinu glasova jer su za glasala 22 delegata, 14 delegata je bilo protiv a osam delegata je bilo uzdržano.

### **Amandman II**

Postojeći redoslijed tačaka u članu 40. Prijedloga Zakona mijenja se tako što predložena tačka (3) postaje tačka (2), predložena tačka (4) postaje tačka (3), a predložena tačka (2) postaje tačka (4).

Amandman III je dobio potrebnu većinu glasova Kluba delegata bošnjačkog naroda jer je za njega glasalo 16 delegata.

Amandman III nije dobio potrebnu većinu glasova Kluba delegata hrvatskog naroda jer za njega nije niko glasao, pet delegata je bilo protiv a jedan delegat je bio uzdržan.

Amandman III je dobio potrebnu većinu glasova Kluba delegata srpskog naroda jer je za njega glasalo 10 delegata, niko nije bio protiv a dva delegata su bila uzdržana.

Nakon toga je Dom naroda u cjelini glasao o Amandmanu III Predstavničkog doma.

Na osnovu rezultata glasanja, predsjedavajući je konstatovao da je Amandman III Predstavničkog doma dobio potrebnu većinu glasova jer su za glasala 33 delegata, četiri delegata su bila protiv a četiri delegata su bila uzdržana.

### **Amandman III**

Stav 8. člana 39. mijenja se i glasi:

“(8) RTVFBiH ima pravo, u skladu sa svojim uređivačkim smjernicama, prenositi sjednice ili dijelove sjednica parlamenata, a obavezno dijelove sjednica parlamenata za koje kolegij nekog od domova procijeni da treba prenositi. RTVFBiH ima obavezu informirati javnost o parlamentarnim aktivnostima, putem parlamentarnih hronika, najkasnije tri do pet dana od dana održavanja sjednice Parlamenta i u terminima koji se uklapaju u programsku šemu RTVFBiH. U tu svrhu RTVFBiH ima slobodan pristup sjednicama parlamenata.”

Amandman IV je dobio potrebnu većinu glasova Kluba delegata bošnjačkog naroda jer je za njega glasalo 16 delegata.

Amandman IV nije dobio potrebnu većinu glasova Kluba delegata hrvatskog naroda jer su za njega glasala četiri delegata, osam delegata je bilo protiv a jedan delegat je bio uzdržan.

Amandman IV nije dobio potrebnu većinu glasova Kluba delegata srpskog naroda jer je za njega glasalo šest delegata, niko nije bio protiv, a sedam delegata je bilo uzdržano.

Nakon toga je Dom naroda u cjelini glasao o Amandmanu IV Predstavničkog doma.

Na osnovu rezultata glasanja, predsjedavajući je konstatovao da je Amandman IV Predstavničkog doma dobio potrebnu većinu glasova jer je za glasalo 29 delegata, devet delegata je bilo protiv a sedam delegata je bilo uzdržano.

### **Amandman IV**

U članu 18. stav 2. mijenja se i glasi:

“(2) Raspodjela prihoda prikupljenog od RTV takse vrši se u skladu sa odredbom člana 23. Zakona o Javnom radio-televizijskom sistemu BiH.”

Dodaje se novi stav 3. koji glasi:

“(3) Prihodi koje RTVFBiH ostvaruje od marketinga primarno se koriste za finansiranje vlastite djelatnosti.”

Stav 3. iz Prijedloga Zakona postaje stav 4.

Amandman V je dobio potrebnu većinu glasova Kluba delegata bošnjačkog naroda jer je za njega glasalo 16 delegata.

Amandman V nije dobio potrebnu većinu glasova Kluba delegata hrvatskog naroda jer je za njega glasalo osam delegata, četiri delegata su bila protiv a jedan delegat je bio uzdržan.

Amandman V je dobio potrebnu većinu glasova Kluba delegata srpskog naroda jer je za njega glasalo 13 delegata, niko nije bio protiv, a jedan delegat je bio uzdržan.

Nakon toga je Dom naroda u cjelini glasao o Amandmanu V Predstavničkog doma.

Na osnovu rezultata glasanja, predsjedavajući je konstatovao da je Amandman V Predstavničkog doma dobio potrebnu većinu glasova jer su za glasala 33 delegata, jedan delegat je bio protiv a tri delegata su bila uzdržana.

### **Amandman V**

U članu 55. dodaje se novi stav 2. koji glasi:

“Od obaveze iz prethodnog stava izuzimaju se domaćinstva i pravna lica kojima se ne isporučuje signal nijednog javnog servisa u BiH.”

St. 2. i 3. postaju st. 3. i 4.

Amandman VI je dobio potrebnu većinu glasova Kluba delegata bošnjačkog naroda jer je za njega glasalo 16 delegata.

Amandman VI nije dobio potrebnu većinu glasova Kluba delegata hrvatskog naroda jer su za njega glasala četiri delegata, četiri delegata su bila protiv a tri delegata su bila uzdržana.

Amandman VI nije dobio potrebnu većinu glasova Kluba delegata srpskog naroda jer je za njega glasalo šest delegata, niko nije bio protiv, a šest delegata je bilo uzdržano.

Nakon toga je Dom naroda u cjelini glasao o Amandmanu VI Predstavničkog doma.

Na osnovu rezultata glasanja, predsjedavajući je konstatovao da je Amandman VI Predstavničkog doma dobio potrebnu većinu glasova jer je za glasalo 30 delegata, pet delegata je bilo protiv, a 10 delegata je bilo uzdržano.

### **Amandman VI**

Nakon člana 55. dodaje se novi član 55.a:

“Zahtjev za oslobađanje od plaćanja takse podnose domaćinstva i pravna lica putem lokalne zajednice, a oslobađanje od plaćanje takse utvrđuje se uvjerenjem koje donosi za određeno područje nadležno ministarstvo na osnovu mjerenja službe RTVFBiH.

Služba RTVFBiH je dužna organizirati mjerenje po zahtjevu lokalne zajednice (općinske službe ili mjesne zajednice) u roku od mjesec dana od dana podnošenja zahtjeva.”

Amandman VII je dobio potrebnu većinu glasova Kluba delegata bošnjačkog naroda jer je za njega glasalo 16 delegata.

Amandman VII nije dobio potrebnu većinu glasova Kluba delegata hrvatskog naroda jer je za njega glasalo osam delegata, tri delegata su bila protiv a tri delegata su bila uzdržana.

Amandman VII je dobio potrebnu većinu glasova Kluba delegata srpskog naroda jer je za njega glasalo 12 delegata, niko nije bio protiv, a dva delegata su bila uzdržana.

Nakon toga je Dom naroda u cjelini glasao o Amandmanu VII Predstavničkog doma.

Na osnovu rezultata glasanja, predsjedavajući je konstatovao da je Amandman VII Predstavničkog doma dobio potrebnu većinu glasova jer je za glasalo 37 delegata.

### **Amandman VII**

U članu 25. u tački (1) Prijedloga Zakona riječi: "Regulatorna agencija" u sva tri slučaja zamjenjuju se riječima: "Komisija za izbor i imenovanje oba doma Parlamenta Federacije BiH".

Amandman VIII je dobio potrebnu većinu glasova Kluba delegata bošnjačkog naroda jer je za njega glasalo 16 delegata.

Amandman VIII nije dobio potrebnu većinu glasova Kluba delegata hrvatskog naroda jer je za njega glasalo pet delegata, pet delegata je bilo protiv a četiri delegata su bila uzdržana.

Amandman VIII je dobio potrebnu većinu glasova Kluba delegata srpskog naroda jer je za njega glasalo 12 delegata, niko nije bio protiv, a jedan delegat je bio uzdržan.

Nakon toga je Dom naroda u cjelini glasao o Amandmanu VIII Predstavničkog doma.

Na osnovu rezultata glasanja, predsjedavajući je konstatovao da je Amandman VIII Predstavničkog doma dobio potrebnu većinu glasova jer je za glasalo 35 delegata, šest delegata je bilo protiv a pet delegata je bilo uzdržano.

### **Amandman VIII**

U članu 25. iza tačke (5) dodaje se nova tačka (6) koja glasi: "Parlament Federacije BiH može razriješiti Upravni odbor u cjelini ili svakog člana pojedinačno ukoliko se na osnovu izvještaja utvrdi da u svom radu krši zakone BiH, zakone Federacije BiH ili se utvrdi loše i nesavjesno poslovanje."

Amandman IX je dobio potrebnu većinu glasova Kluba delegata bošnjačkog naroda jer je za njega glasalo 16 delegata.

Amandman IX nije dobio potrebnu većinu glasova Kluba delegata hrvatskog naroda jer je za njega glasao jedan delegat, devet delegata je bilo protiv a četiri delegata su bila uzdržana.

Amandman IX nije dobio potrebnu većinu glasova Kluba delegata srpskog naroda jer je za njega glasalo sedam delegata, niko nije bio protiv, a sedam delegata je bilo uzdržano.

Nakon toga je Dom naroda u cjelini glasao o Amandmanu IX Predstavničkog doma.



Na osnovu rezultata glasanja, predsjedavajući je konstatovao da Amandman IX Predstavničkog doma nije dobio potrebnu većinu glasova jer je za glasalo 28 delegata, sedam delegata je bilo protiv a 13 delegata je bilo uzdržano.

### **Amandman IX**

U članu 26. u stavu 2. iza riječi: "i razrješenje generalnog direktora" dodaju se riječi: "Izbor članova Programskog vijeća".

Nakon toga je Dom naroda u cjelini glasao o Prijedlogu Zakona o Javnom servisu Radio-televizije Federacije Bosne i Hercegovine.

Na osnovu rezultata glasanja, predsjedavajući je konstatovao da je Prijedlog Zakona o Javnom servisu Radio-televizije Federacije Bosne i Hercegovine dobio potrebnu većinu glasova jer je za njega glasalo 30 delegata, 14 delegata je bilo protiv a sedam delegata je bilo uzdržano.

S obzirom na to da je predsjedavajući Doma naroda Stjepan Krešić izrazio sumnju u rezultate glasanja, pristupilo se poimeničnom glasanju.

Na osnovu rezultata poimeničnog glasanja, koje je obavio Izmir Hadžiaudić, sekretar Doma naroda, predsjedavajući je konstatovao da je Prijedlog Zakona o Javnom servisu Radio-televizije Federacije Bosne i Hercegovine dobio potrebnu većinu glasova jer je za njega glasalo 29 delegata, 14 delegata je bilo protiv a sedam delegata je bilo uzdržano.

Budući da je Prijedlog Zakona o Javnom servisu Radio-televizije Federacije Bosne i Hercegovine razmatran po proceduri predviđenoj za razmatranje zakona za koje je pokrenut vitalni nacionalni interes, potrebno je, u skladu sa članom 117. tačka 6. Poslovnika o radu Doma naroda Parlamenta Federacije Bosne i Hercegovine, **formirati zajedničku komisiju** od predstavnika Predstavničkog doma i Doma naroda, koja će usaglašavati tekst Prijedloga Zakona.

S obzirom na to da je Klub delegata hrvatskog naroda smatrao da se nisu stekli uvjeti za imenovanje pet članova iz Doma naroda u zajedničku komisiju koja će usaglašavati tekst Prijedloga Zakona, prešlo se na sljedeću tačku dnevnog reda.

8. a) **Odluka o davanju saglasnosti za prihvatanje dodatnog kredita Međunarodne asocijacije za razvoj za Projekt razvoja i zaštite šuma**
- b) **Odluka o davanju saglasnosti za zaključivanje Sporazuma o izmjenama Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt razvoja i zaštite šuma**
- c) **Informacija o dodatnom finansiranju Projekta razvoja i zaštite šuma iz kredita Međunarodne asocijacije za razvoj**

Ove odluke je donijela Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 3. sjednice, održane 04. jula 2007. godine, donio odluke kojima je odobrio ove odluke.

Odluke su razmatrala nadležna radna tijela i dostavila svoje izvještaje. U raspravi nije niko učestvovao.

- a) **Odluka o davanju saglasnosti za prihvatanje dodatnog kredita Međunarodne asocijacije za razvoj za Projekt razvoja i zaštite šuma**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasova za i uz jedan uzdržani glas, donio odluku kojom je odobrio Odluku o davanju saglasnosti za prihvatanje dodatnog kredita Međunarodne asocijacije za razvoj za Projekt razvoja i zaštite šuma.

- b) **Odluka o davanju saglasnosti za zaključivanje Sporazuma o izmjenama Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt razvoja i zaštite šuma**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasova za i uz jedan uzdržani glas, donio odluku kojom je odobrio Odluku o davanju saglasnosti za zaključivanje Sporazuma o izmjenama Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt razvoja i zaštite šuma.

**c) Informacija o dodatnom finansiranju Projekta razvoja i zaštite šuma iz kredita Međunarodne asocijacije za razvoj**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasova za i uz jedan uzdržani glas, usvojio sljedeći:

**ZAKLJUČAK**

Dom naroda Parlamenta Federacije Bosne i Hercegovine prima na znanje Informaciju o dodatnom finansiranju Projekta razvoja i zaštite šuma iz kredita Međunarodne asocijacije za razvoj.

9. a) **Odluka o davanju saglasnosti za prihvatanje kreditnog sporazuma između Bosne i Hercegovine i Bank Austria Creditanstalt AG Beč za finansiranje Projekta vodosnabdijevanja općine Grude**
- b) **Odluka o davanju saglasnosti za zaključivanje Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit Bank Austria Creditanstalt AG Beč za Projekt vodosnabdijevanja općine Grude**
- c) **Informacija o kreditu Bank Austria Creditanstalt AG Beč za Projekt vodosnabdijevanja općine Grude**

Ove odluke je donijela Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 3. sjednice, održane 04. jula 2007. godine, donio odluke kojima je odobrio ove odluke.

Odluke su razmatrala nadležna radna tijela i dostavila svoje izvještaje.

U raspravi su učestvovali Svetozar Pudarić i Zada Gabela, sekretar Federalnog ministarstva finansija.

- a) **Odluka o davanju saglasnosti za prihvatanje kreditnog sporazuma između Bosne i Hercegovine i Bank Austria Creditanstalt AG Beč za finansiranje Projekta vodosnabdijevanja općine Grude**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za i uz tri uzdržana glasa, donio odluku kojom je odobrio Odluku o davanju saglasnosti za prihvatanje kreditnog sporazuma između Bosne i Hercegovine i Bank Austria Creditanstalt AG Beč za finansiranje Projekta vodosnabdijevanja općine Grude.

**b) Odluka o davanju saglasnosti za zaključivanje Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit Bank Austria Creditanstalt AG Beč za Projekt vodosnabdijevanja općine Grude**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za i uz tri uzdržana glasa, donio odluku kojom je odobrio Odluku o davanju saglasnosti za zaključivanje Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit Bank Austria Creditanstalt AG Beč za Projekt vodosnabdijevanja općine Grude.

**c) Informacija o kreditu Bank Austria Creditanstalt AG Beč za Projekt vodosnabdijevanja općine Grude**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno usvojio sljedeći:

### **ZAKLJUČAK**

Dom naroda Parlamenta Federacije Bosne i Hercegovine prima na znanje Informacija o kreditu Bank Austria Creditanstalt AG Beč za Projekt vodosnabdijevanja općine Grude.

10. a) **Odluka o davanju saglasnosti za prihvatanje kredita Međunarodne asocijacije za razvoj za Projekt poljoprivrede i ruralnog razvoja**
- b) **Odluka o davanju saglasnosti za zaključivanje Supsidijarnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt poljoprivrede i ruralnog razvoja**
- c) **Informacija o finansiranju Projekta poljoprivrede i ruralnog razvoja iz kredita Međunarodne asocijacije za razvoj sa Zaključcima Vlade Federacije**

Ove odluke je donijela Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 3. sjednice, održane 04. jula 2007. godine, donio odluke kojima je odobrio ove odluke.

Odluke su razmatrala nadležna radna tijela i dostavila svoje izvještaje. U raspravi nije niko učestvovao.

**a) Odluka o davanju saglasnosti za prihvatanje kredita Međunarodne asocijacije za razvoj za Projekt poljoprivrede i ruralnog razvoja**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasova za i uz jedan uzdržan glas, donio odluku kojom je odobrio Odluku o davanju saglasnosti za prihvatanje kredita Međunarodne asocijacije za razvoj za Projekt poljoprivrede i ruralnog razvoja.

**b) Odluka o davanju saglasnosti za zaključivanje Supsidijarnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt poljoprivrede i ruralnog razvoja**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasova za i uz jedan uzdržani glas, donio odluku kojom je odobrio Odluku o davanju saglasnosti za zaključivanje Supsidijarnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekat poljoprivrede i ruralnog razvoja.

**c) Informacija o finansiranju Projekta poljoprivrede i ruralnog razvoja iz kredita Međunarodne asocijacije za razvoj sa Zaključcima Vlade Federacije**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno usvojio sljedeći:

## **ZAKLJUČAK**

Dom naroda Parlamenta Federacije Bosne i Hercegovine prima na znanje Informaciju o finansiranju Projekta poljoprivrede i ruralnog razvoja iz kredita Međunarodne asocijacije za razvoj sa Zaključcima Vlade Federacije.

11. a) **Odluka o davanju saglasnosti za prihvatanje kredita Međunarodne asocijacije za razvoj za Projekt pripremljenosti za ptičju gripu**
- b) **Odluka o davanju saglasnosti za zaključivanje Supsidijarnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt pripremljenosti za ptičju gripu**
- c) **Informacija o finansiranju Projekta pripremljenosti za ptičju gripu**

Ove odluke je donijela Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 3. sjednice, održane 04. jula 2007. godine, donio odluke kojima je odobrio ove odluke.

Odluke su razmatrala nadležna radna tijela i dostavila svoje izvještaje.

U raspravi je učestvovala Mira Ljubijankić, predsjednica Komisije za jezička pitanja, i zatražila da svi materijali upućeni u parlamentarnu proceduru od Vlade Federacije budu napisani na službenim jezicima Federacije Bosne i Hercegovine, a da se strani i stručni izrazi prevedu ili objasne u zagradi iza strane i stručne riječi. Zatražila je da delegati podrže Zaključak koji je u tom smislu donijela Komisija za jezička pitanja, što su delegati podržali.

- a) **Odluka o davanju saglasnosti za prihvatanje kredita Međunarodne asocijacije za razvoj za Projekt pripremljenosti za ptičju gripu**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova za i uz dva uzdržana glasa, donio odluku kojom je odobrio Odluku o davanju saglasnosti za prihvatanje kredita Međunarodne asocijacije za razvoj za Projekt pripremljenosti za ptičju gripu.

- b) **Odluka o davanju saglasnosti za zaključivanje Supsidijarnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt pripremljenosti za ptičju gripu**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova za i uz dva uzdržana glasa, donio odluku kojom je odobrio Odluku o davanju saglasnosti za zaključivanje Supsidijarnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt pripremljenosti za ptičju gripu.

### **c) Informacija o finansiranju Projekta pripremljenosti za ptičju gripu**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova za i uz dva uzdržana glasa, usvojio sljedeći:

### **ZAKLJUČAK**

Dom naroda Parlamenta Federacije Bosne i Hercegovine prima na znanje Informaciju o finansiranju Projekta pripremljenosti za ptičju gripu.

- 12. a) Odluka o davanju saglasnosti za prihvatanje dodatnog kredita Međunarodne asocijacije za razvoj za Projekt urbane infrastrukture i pružanja usluga**
- b) Odluka o davanju saglasnosti za zaključivanje Supsidijarnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt urbane infrastrukture i pružanja usluga**
- c) Informacija o dodatnom kreditu Međunarodne asocijacije za razvoj za Projekt urbane infrastrukture i pružanja usluga**

Ove odluke je donijela Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 3. sjednice, održane 04. jula 2007. godine, donio odluke kojima je odobrio ove odluke.

Odluke su razmatrala nadležna radna tijela i dostavila svoje izvještaje. U raspravi nije niko učestvovao.

- a) Odluka o davanju saglasnosti za prihvatanje dodatnog kredita Međunarodne asocijacije za razvoj za Projekt urbane infrastrukture i pružanja usluga**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 40 glasova za i uz jedan uzdržani glas, donio odluku kojom je odobrio Odluku o davanju saglasnosti za prihvatanje dodatnog kredita Međunarodne asocijacije za razvoj za Projekt urbane infrastrukture i pružanja usluga.

**b) Odluka o davanju saglasnosti za zaključivanje Supsidijarnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt urbane infrastrukture i pružanja usluga**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova za i uz dva uzdržana glasa, donio odluku kojom je odobrio Odluku o davanju saglasnosti za zaključivanje Supsidijarnog sporazuma između Federacije Bosne i Hercegovine i Bosne i Hercegovine za kredit Međunarodne asocijacije za razvoj za Projekt urbane infrastrukture i pružanja usluga.

**c) Informacija o dodatnom kreditu Međunarodne asocijacije za razvoj za Projekt urbane infrastrukture i pružanja usluga**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno, sa 41 glasom, usvojio sljedeći:

## **ZAKLJUČAK**

Dom naroda Parlamenta Federacije Bosne i Hercegovine prima na znanje Informaciju o dodatnom kreditu Međunarodne asocijacije za razvoj za Projekt urbane infrastrukture i pružanja usluga.

### **13. Izbor i imenovanja**

**a) Odluka o izboru članova u Parlamentarnu komisiju odgovornu za reviziju**

Predsjedavajući je podsjetio delegate da je Dom naroda Parlamenta Federacije Bosne i Hercegovine na nastavku 4. sjednice, održane 12. jula 2007. godine, donio Odluku o formiranju Parlamentarne komisije odgovorne za reviziju te je potrebno izabrati članove Komisije.

Predstavnički dom je na nastavku 3. sjednice, održane 25. jula, donio Odluku o izboru članova u Parlamentarnu komisiju odgovornu za reviziju.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 40 glasova za i uz jedan uzdržani glas, donio Odluku o izboru članova u Parlamentarnu komisiju odgovornu za reviziju, kojom su iz Predstavničkog doma izabrani: **Amila Mešić, dr. Nedžad Polić, Aida Habul, Refika Mustafić, Suada Hadžović, Marinko Božić i Žarko Šantić.** Iz Doma naroda su izabrani: **Lidija Bradara, Milenko Bandur, Emir Frašto, Mladen Lonić, Asim Mekić, Snježana Milavić i Mirasd Pindžo.**



**b) Odluka o imenovanju Nezavisnog odbora**

Predstavnički dom je na nastavku 3. sjednice, održane 25. jula, donio Odluku o imenovanju Nezavisnog odbora.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 29 glasova za i uz 10 uzdržanih glasova, donio Odluku o imenovanju Nezavisnog odbora u koji su imenovani: **Muhamed Mujakić, Sead Selman, Jasmin Zlatanović, Zoran Zekić, Božo Bagarić, Branka Šekarić i Kanita Imamović-Čizmić.**

\* \* \*

Sjednica je završena u 20.37

Magnetofonski snimak sjednice i prijepis snimka sjednice čine sastavni dio Zapisnika.

SEKRETAR

Izmir Hadžić

PREDSJEDAVAJUĆI

Stjepan Krešić